

四庫全書

子部

欽定四庫全書

子部

證治準繩卷七十六

詳校官太醫院使臣張肇基

編修臣倉聖脈覆勘

總校官進士臣朱鈐

校對官中書臣宋枋遠

謄錄監生臣王秉鈞

欽定四庫全書

證治準繩卷七十六

明 王肯堂 撰

幼科

肝臟門

驚癰鶴膝

錢肝者東方青龍木也其動則應於風病則主驚駭諸熱引肝風有風則生痰有痰亦作搐小兒驚風之際手

足動掣當聽其自定然後療之免生異證或父母見其病勢可畏從而按伏之豈知筋者肝之合也臨病發時若按束其手足則筋不舒伸遂至經絡為風所閉終為廢人內經曰頑弱名緩風疼重名濕痺又有四肢痿痺不仁致手足稍脹痛不堪忍者此風毒之氣使然故傳曰風淫末疾是也凡小兒心悸不常及偏身腫痛或手足不隨此為驚癰候也若治之稍遲至臂腕膝脛骨節之間流結頑核或膝大而腫肉消骨露如鶴膝之狀或

為癰為癰此名鶴膝候也已上形證并宜發汗為先使
腠理開通則風熱可除有濕亦去用百解散和呖咀五
苓散倍加麻黃水薑蔥煎服微得汗為度或以麻黃湯
發散尤佳次防已湯祛風散及獨活湯加桑寄生投服
并防風湯或黑虎丹作小丸子間服使風不生而痰不
作則其疾易愈若為癰為癰癰重者用黑牽牛半生半
炒略研碎煎無灰酒調下五苓散以除流注之寒濕則
腫毒可消如大腑閉而不通此是風熱內蘊其右腮紅

紫右手三部脈浮而實滑宜五和湯或當歸散枳殼散治之其加減之法尤在臨機審處若泥一方非良法也前證更宜間服排風湯

薛鶴膝風者其腿漸細其膝愈粗狀如鶴膝是以名之此因稟腎經不足外邪所乘而患之初則膝內作痛外色不變伸屈艱難若一二月間焮腫色赤而作膿者可治腫硬色白而不作膿者難治初起者用大防風湯為主佐以益氣養榮湯膿成者用補中益氣湯為主佐以

大防風湯切勿用十宣流氣等藥若不潰不斂或發熱等證者須調補脾胃為善否則必變敗證矣

大防風湯 治鶴膝風腫痛不消或潰而不斂

附子

炮

牛膝

酒炒各一錢

白朮

羌活

人參

防風

各二錢

杜仲

去皮薑製

川芎

肉桂

去皮

黃耆

炒熟

地黃

自製

芍藥

炒各一錢五分

甘草

一錢

右每服三五錢水煎仍量兒大小用之

獨活寄生湯

獨活

桑寄生

杜仲

炒細辛

牛膝

酒炒
去土

秦艽

茯苓

白芍藥

炒桂心

川芎

防風

甘草

人參

熟地黃

當歸

各等分

右每服二三錢水煎空心乳母同服

益氣養榮湯

瘰癧

百解散

驚

五苓散

驚

麻黃湯

傷寒

防已湯

治感冒風濕之氣失於解表流注兩足疼痛

至兩膝浮腫不能屈伸傳成癰瘕

防已

去黑皮

麻黃

去節存根功全表裏剉
碎湯泡瀘過焙乾用

薄桂

去粗皮各

半
兩赤芍藥 赤茯苓去皮 蒼朮米泔水浸一宿去粗皮濾剉片火炒至微

黃各炙七錢半
一兩甘草

右件咬咀每服二錢水一盞薑二片葱一根煎七分
空心熱服或入薤白同煎

祛風散 治卒暴中風不能言全口眼喎斜驚癱搐掣
痰實煩躁神昏有熱睡卧不穩

防風去蘆 南星生用 甘草生用 半夏製 黃芩各一兩

右碎每服二錢水一盞半薑三片慢火煎七分不拘

時溫服

獨活湯

治驚癱鶴膝及中風濕日久致腰背手足疼

痛晝輕夜重及四肢痿痺不仁

川獨活

黃色如鬼眼者佳半兩

當歸

酒洗

白朮

黃耆

蜜水塗炙

薄

桂

去粗皮

川牛膝

酒洗各二錢半

甘草

炙三錢

右件呔咀每服二錢水一盞薑二片薤白一根煎七分空心熱服或無時

防風湯

驚

黑虎丹 治諸般風證

草烏

去黑皮一兩 生用

川烏

去黑皮 生用

甘草

各七錢半

麻黃

不去根節

甘松

熟乾地黃

淨洗

藿香葉

白芷

油煙墨

燒存

性

豬牙皂莢

川芎

當歸

何首烏

南星

生用

殭蠶

去絲

赤小豆

羌活

白膠香

木鼈子

去油各半

兩

右件判碎或焙或曬研為細末糯米粉煮糊丸麻仁大每服三十九至五十九或七十九稍空心用淡薑

湯下兒小者丸作粟穀大治法如前

五和湯

熱

當歸散

熱

枳殼丸

大便秘

排風湯

治中風狂言失音不語精神昏困驚癰鶴膝

等證及腫疾纔愈後偶感外風滿面徧體虛浮並宜

可服

白蘚皮

白朮

白芍藥

薄桂

去粗皮

防風

去蘆

芎

當歸

酒洗

杏仁

湯泡去皮尖

甘草

炙各半兩

川獨活

麻

黃

去根節

白茯苓

去皮各七錢半

右每服二錢水一盞薑二片煎七分無時溫服

眼目

薛經曰目者五臟六腑之精榮衛魂魄之所常營也神氣之所常主也又曰諸脈者皆屬於目目得血而能視五臟六腑精氣皆上注於目而為之精故白睛屬肺黑精屬肝瞳人屬腎上下眇屬脾兩眦屬心而內眦又屬膀胱五臟五色各有所司心主赤赤甚心實熱也用導赤散赤微者心虛熱也用生犀散肝主青青甚者肝熱

也用瀉青丸淡青者肝虛也用地黃丸脾主黃黃甚者脾熱也用瀉黃散淡黃者脾虛也用異功散目無睛光及白睛多黑睛少者肝腎俱不足也用地黃丸加鹿茸晝視通明夜視罔見者因稟陽氣衰弱遇夜陰盛則陽愈衰故不能視也用冲和養胃湯凡赤脈翳物從上而下者屬足太陽經用東垣選奇湯從下而上者屬足陽明經用局方流氣飲蓋翳膜者風熱內蘊也邪氣未定謂之熱翳而浮於外邪氣已定謂之冰翳而沈於內邪

氣既深謂之陷翳宜升發之退翳之藥佐之若上眼皮
不出黑白翳者屬太陽寒水從外至內者屬少陽風熱
從下至上綠色者屬足陽明及肺腎合病也疳眼者因
肝火濕熱上衝脾氣有虧不能上升清氣故生白翳睫
閉不開眵淚如糊久而膿流遂至損目用益氣聰明湯
茯苓瀉濕湯及四味肥兒丸目閉不開者因乳食失節
或過服寒涼之藥使陽氣下陷不能升舉故目不開用
柴胡復生湯若胃氣虧損眼睫無力而不能開者用補

中益氣湯暴赤腫痛者肝火熾盛也用龍膽瀉肝湯多
淚羞明者肝心積熱也用生犀散亦有肝腎虛熱者用
地黃丸風沿爛眼者膈有積熱也用清胃散時時作痒
者濃漬生蟲也用點藥紫蘇膏眼睫連劄者肝經風熱
也用柴胡清肝散若生下目黃壯熱大小便秘結乳食
不思面赤眼閉者皆由在胎時感母熱毒所致兒服瀉
黃散母服地黃丸若乳母膏粱積熱致兒目黃者令母
服清胃散若肢體面目爪甲皆黃小便如屋塵色者難

治又有痘疹後餘毒未盡上侵於目者屬腎肝虛也用
滋陰腎氣丸前證多宜審治其母無調其兒

初生眼不開

胎赤

並見初
生門

目赤腫痛曾熱極挾風則目赤腫痛晝夜不開驚啼不
已先用九仙散水薑蔥煎服次三解散溫米泔水調下
及點以黃連膏 若夫天行時證暴赤腫痛晝夜苦甚
久則昏瞢治法先以九仙散解表次以小柴胡湯去半
夏加大黃薄荷竹葉生地黃水煎服併投草龍膽散及

點以黃連膏貼以清涼膏 有孩兒胃氣素虛脾氣實
盛眼胞赤腫羞澁不開遽按苦寒之劑以退赤腫反傷
脾胃不吐則瀉或四肢微冷復以溫藥調治則目疾轉
加宜先用呔咀五苓散水薑燈心煎服次投瀉黃散自
愈 有心脾蘊熱經久及肝受邪熱致兩目羞明眼胞
浮腫微有紫色大腑閉或流利小便澁或通順先以百
解散發表次投明目飲自然平復仍忌酒葷三五日
有小兒薄劣多致塵埃入目揩摩成腫發熱作痛啼

哭不已宜用辟塵膏治之立效

湯導赤散 治心熱小便赤眼目赤腫

赤芍藥

羌活

防風

各半兩

大黃

甘草

各一錢

右為末燈心黑豆同煎食後服

余平生無赤眼之患用之如神大人小兒可通用凡眼赤澁之初祇用自已小便張目溺出用一指接抹眼中便閉目少頃即效此以真氣逼去邪熱也

本治小兒赤熱腫眼

大黃 白礬

各五分

右為末同冷水調作罨子貼眼立效

小防風湯 治小兒熱毒眼患

大黃

蒸

山梔子

甘草

炙

赤芍藥

川當歸

洗防

風 羌活

各等分

右剉碎每服五錢水一鍾煎至五分食後服

小流氣飲 治小兒風毒眼患

蟬蛻

去足

甘草

羌活

天麻

川當歸

防風

大黃 薄荷 赤芍藥 杏仁 各等分

右剉碎每服五錢水一鍾煎至五分食後服

小菊花膏 治小兒積毒眼患

黃連 黃芩 大黃 菊花 羌活 蒼朮 米泔浸

荊芥穗 防風

右各等分為末煉蜜和膏如小指頂大每服一餅細嚼白湯咽下不拘時服

通頂散 治眼疼風熱腫脹作楚

瓜蒂

梨蘆

各一錢

皂角肉

半錢

麝香

少許研

右為細末研勻每少許吹入鼻中

九仙散

解諸目疾不拘歲月遠近並宜先服

柴胡

去蘆 蒼朮

米泔浸刮去粗皮
剉炒燥各二兩

赤芍藥

荆芥

甘草

各六錢半 麻黃

剉去節湯
炮瀝焙乾

川芎

薄荷

連梗各半兩

旋

復花

去老梗
三錢

右碎每服二錢水一錢薑二片葱一根煎七分不拘

時溫服

三解散

一名寧心湯

主上焦蘊熱傷風面紅目赤狂躁氣急

渴水驚啼煩悶丹毒口瘡痰嗽搐掣

人參

去蘆

防風

去蘆

天麻

茯神

去皮木

鬱金

無以山梔仁代

白

附子

大黃

各二錢半

赤芍藥

黃芩

僵蠶

各五錢

全

蝎

十五尾去尖毒

枳殼

水浸去瓢炒二錢

粉草

六錢

右焙為末每服半錢至一錢用溫薄荷湯無時調下

或燈心湯

草龍膽散

治暴赤火眼晝夜澀痛作腫淚多

草龍膽

木賊

去節

荊芥

菊花

防風

去蘆

草決

明

半生半炒

甘草

七味各半兩

右剉每服二錢水一盞煎七分無時溫服痛甚加羌

活乳香同煎

明目飲 治心脾蘊熱肝受風邪致兩目羞明經久不

瘡

山梔仁

淨香附

各一兩

夏枯草

去梗半兩

右剉每服二錢水一盞蜜一匙煎七分無時溫服

金波散 治時行赤眼腫痛成翳有熱多淚

淨黃連

一兩

鵬砂

寒水石

大黃

各二錢

海螵蛸

銅青

各一錢

玄明粉

二錢半

全蝎

去尖毒七枚

麝香

一字

右除玄明粉麝香餘七味剉晒為末仍入玄明粉麝香乳鉢內同前藥末杵勻每用一字至半錢溫淨湯或凉水調化澄清去滓無時頻洗有風夾蟲作痒入輕粉取效仍忌酒葷三五日

黃連膏 治時行火眼赤腫澁痛晝夜煩啼

淨黃連

二錢半

右件細剉雞子一枚筋背扎開一頭大處取清瓦盞盛入黃連和勻釀一時見黃色以絹濾過成膏患者仰面卧外令人挑一字許頻點目內覺口中有苦味滿舌上藥之驗也豆瘡餘毒攻眼眇多有熱用之驗清涼膏 治暴赤火眼腫痛及血癖作疼發熱

大黃 淨黃連 黃檗 赤葛 細辛

和薄荷葉

風化朴硝

七味各一兩

右前六味或曬或焙為末臨入朴硝乳鉢內同杵勻
每用一錢至二錢冷水加薑汁調塗太陽或新汲井
水調妙熱癰以涼米湯水調擦患處

辟塵膏

治小兒塵埃入目揩成腫熱作痛啼哭不已

右以油煙細墨新汲井水濃磨入玄明粉半錢和勻
為膏用筆多點目內三五次即效仍忌飲酒一晝宵
速效飲 治長成小兒因他物或跌着觸損兩目血脹
腫痛

荊芥穗

薄荷葉

微炒

草決明

微炒各一兩

甘草

三錢生用

右為粗末和半生半炒芝麻等分抄二錢掌中盛乾嚼之味盡吐去但如此法投三五次即效

薛一小兒目赤作痛咬牙寒熱余謂肝經風熱用柴胡飲子一劑而赤痛止又用四物參芪白朮柴胡而寒熱退又用補中益氣湯而飲食加 一小兒眼素白或青患眼赤作痛服降火之劑眼如血貫脈洪大或浮緩按之皆微細用十全大補湯加柴胡山梔數劑外證漸退

而脈漸斂又數劑而愈 一小兒患眼赤痛服大黃之
藥更加寒熱如瘧余謂脾胃復傷用四君升麻柴胡炮
薑釣藤鈎而寒熱愈又用補中益氣湯間服而目疾痊
一小兒目痛恪服瀉火治肝之藥反加羞明隱澁睡
中驚悸悲啼此肝經血虛火動傷肺也用五味異功散
加山梔補脾胃清肺金用地黃丸滋腎水生肝血而安
仍兼服四味肥兒丸而瘥

龍膽瀉肝湯

方見
疝

生犀飲

方見
心

生熟地黃散 治眼初患之時因悞築到感肝受驚風

致目腫赤痛痒

生地黃

洗

熟地黃

各一兩

麥門冬

去心五錢

當歸

枳殼

米泔浸去

甘草炙

防風

杏仁

湯炮去皮尖麤炒赤

赤芍藥

各二錢半

右每服一錢黑豆七粒水煎服

犀角飲 治脾火眼疼

犀角

一兩鎊

射干

草龍膽

炒

黃芩

炒各五錢

人參

二兩

苓

二錢五分

鈞藤鈞

七錢半

甘草

三錢

右每服一錢水煎

東垣廣大重明湯 治兩瞼或兩眦赤爛熱腫疼痛及
眼胞癢極抓之至破爛赤腫眼楞生瘡痂目多眵淚
隱澁難開

草龍膽

防風

生甘草根

細辛苗葉

各一錢

右用水一椀半煎龍膽至七分入餘藥再煎至半碗
熱洗日五七次洗畢合眼須臾瘡

東垣助陽和血補氣湯

治發後熱壅白睛紅多眵淚

癰澁此過服涼藥而真氣不能通九竅也

防風

七分

黃芪

錢一

蔓荊子

白芷

各二分

升麻

七分

炙甘草

草

柴胡

當歸身

酒洗各五錢

水一鍾煎至半鍾溫熱服

潔古方

治眼赤暴發腫

防風

羌活

黃芩

炒

黃連

炒各等分

右剉每服一錢水煎如大便秘加大黃二分痛甚加

川當歸地黃各二分煩燥不得卧加梔子仁三分

保命點眼藥 除昏退翳截赤定痛

當歸

黃連

各二錢

防風

二錢五分

細辛

五分

甘草

一錢

右水一大碗文武火熬滴水不散為度入熟蜜少許點用

柴胡復生湯

治紅赤羞明淚多眇少腦頂沈重睛珠

痛應太陽眼睫無力常欲垂閉久視則酸疼翳下陷

者

藁本 蔓荊子 川芎 羌活 獨活 白芷 各二

分 白芍藥 炒炙甘草 薄荷 桔梗 各四分 蒼朮

茯苓 黃芩 炒各五分 柴胡 六分 五味子 十二粒

右每服二錢水煎食後服

黃連羊肝丸 治目中赤脈洪甚眇多

黃連 為末不以多少 白羊肝 一具

先以竹刀將羊肝刮下如糊除去筋膜再搗細入黃連末丸桐子大每服十九茶清送下

外障小兒病目生翳不可輕用點藥祇以服藥內消為主看赤脈上下內外分經處治已見雜病第七卷及前薛氏總論茲不贅錄 薛一女子年十四因恚怒先月經不行寒熱脇痛後兩目生翳青綠色從外至內余謂寒熱脇痛足厥陰之證也翳從外眥起足少陽之證也左關脈弦數按之而濇肝經風熱無血滯也遂以加味逍遙散加防風龍膽草四服而寒熱脇痛頓減用六味九月餘而翳消 一小兒十五歲兩目白翳腹膈偏身

似疥非疥，晡熱口乾，形體骨立，此肝疳之證也。用六味肥兒丸而痊。後陰莖作癢，小便澄白，瘡疥益熾，狀如大風。用蘆薈四味肥兒丸，諸證漸愈。又用大蕪荑湯而痊。

一小兒九歲，素有肝火，兩目生翳，服蘆薈肥兒等丸，隨愈。至十四歲後，遇用心過度，飲食不節，即夜視不明。用補中益氣湯、人參補胃湯、四味肥兒丸而愈。

一小兒眼每生翳，皆因乳母恚怒而作用。九味蘆薈丸、柴胡梔子散、母子並服而愈。

一小兒乳哺失節，服藥過劑。

腹脹少食大便不通兩眼生花服治眼之藥漸生浮翳
余用異功散加當歸柴胡飲食漸進便利漸調少佐以
九味蘆薈丸其眼漸明乃用人參補胃湯肥兒丸而痊
一小兒十二歲傷寒咳嗽發熱服發散之藥目漸不
明服降火等藥飲食日少目漸生翳余謂中氣虛用人
參補胃湯飲食漸進又用千金補肝丸及熏眼之法而
痊一女子十二歲目生白翳面黃浮腫口乾便泄用
四味肥兒丸而痊

本事方 治太陽寒水陷翳膜遮睛

防風

白蒺藜

各一兩

羌活

一兩半

甘菊花

三兩

右為末每服二錢入鹽少許百沸湯點服

保命羶羊角散 治水翳久不去

羚羊角

屑

升麻

細辛

各等分

甘草

減半

右為末一半煉蜜丸桐子大每服五七十九一半泔水煎吞送九子煖發陷翳亦羚羊角散之類用之在人消息若陰虛有熱者兼服神仙退雲丸

東垣補陽湯

治陽不勝其陰乃陰盛陽虛則九竅不

通令青白翳見於大眚乃足太陽少陰經中鬱遏厥
陰肝經之陽氣不得上通於目故青翳內阻也當於
太陽少陰經中是九竅之下以益肝中陽氣衝天上
行此乃先補其陽後於足太陰標中瀉足厥陰之火
下伏於陽中內經曰陰盛陽虛則當先補其陽後瀉
其陰每日空心服升陽湯臨卧服瀉陰丸須預期調
養體氣和平天氣晴明服之補其陽使上升通於肝

經之末利空竅於目矣

羌活 獨活 當歸身

酒洗 焙乾

甘草梢 熟地黄

人參 黃芪 白朮

各一兩

澤瀉

橘紅

各半兩

生地

黃炒白茯苓 知母

炒黃色 各三錢

柴胡

二兩 防風

白芍

藥

各五錢

肉桂

一錢

右每服五錢水煎空心服候藥力行盡方可飲食

東垣羌活退翳湯

柴胡 甘草

黃芪

各三錢

羌活

黃連

五味子

升麻

當歸身

各二錢

防風

一錢五分

黃芩

黃檗

酒浸

芍藥草

龍膽

酒洗各五錢

石膏

二錢

右分二服水煎入酒少許臨卧熱服忌言語

譙甫五秀重明丸

治眼翳膜遮睛隱澁昏花常服清

利頭目

甘菊花

五百朶

荆芥

五百穗

木賊

去節五百根

楮實

五百枚

右為末煉蜜丸桐子大每服五十九白湯送下

鎮肝散

去痰熱退翳

胡黃連

梔子仁

各一兩

甘草

微炙

馬牙硝

青箱子

各半兩

以上搗羅細末次用

真硃末

研

牛黃

研各二錢半

右件都拌勻細研每服一錢水八分入荊芥薄荷各少許煎四分去滓溫服食後

井泉石散

治眼疳邪熱攻於眼目漸生障翳致損睛

瞳

井泉石

一兩

石決明

甘菊花

夜明沙

微炒

黃連

去鬚

晚蠶沙

微炒各半兩

右件搗羅為細末每服一錢用米泔一盞入生豬肝少許煎五分肝爛為度放溫時時服乳食後

羅氏煮肝散 治小兒疳眼翳膜羞明不見服十日必退如大人雀目者服效

夜明沙 青蛤粉 穀精草

各一兩

右件為細末每服一錢五七歲已上二錢純豬肝一大片批開糝藥在內攤勻麻線纏定以米泔半碗煮肝熟取出肝湯傾碗內熏眼分肝作三服嚼訖却用

肝湯下一日三服不拘時候大人雀目空心服至夜
便見物如患多時日二服

龍膽飲子 治疳眼流膿生疳翳濕熱為病神效不治
寒濕為病者

青蛤粉 蛇蛻皮 穀精草 各五錢 羌活 草龍膽

各三錢 麻黃 二錢半 黃芩 炒 升麻 各二錢 鬱金 甘草 各

半錢

右為細末每服二錢食後茶清調下

灸雀目疳眼法 小兒雀目夜不見物灸手大指甲後

一寸內廉橫紋頭白肉際各一壯炷如小麥大 小兒

疳眼灸合谷二穴各一壯炷如小麥大在手大指次指

兩骨間陷中

內障東垣人參補胃湯 治勞役飲食不節內障眼痛

神效

黃芪根

人參

各一兩

炙甘草

八錢

蔓荊子

白芍藥

炒

黃礪

酒拌炒四錢

右每服二三錢水煎稍熱服臨卧三五服

冲和養胃湯 治內障初起視覺微昏空中有黑花神

水變淡綠色次則視歧覩則成二神水變淡白色久則不覩神水變純白色

柴胡

錢七

人參

當歸

炙甘草

乾生薑

升麻

葛根

白朮

羌活

各一兩

防風

錢五

黃芪

一兩五錢

白

茯苓

錢三

白芍藥

錢六

五味子

錢二

錢

右每服二錢水煎服

滋陰腎氣丸

治神水寬大漸散昏如霧露中行漸靚

空中有黑花視物二體久則光不収及內障神水淡

白色者

熟地黄

三兩

當歸尾

牡丹皮

五味子

乾山

藥

柴胡

各五錢

茯苓

澤瀉

各二錢半

生地黄

酒炒四兩

右為末煉蜜丸如桐子大辰砂為衣每服十丸空心

滾湯化下

瀉熱黃連湯

治內障有眵淚眊瞤

黃芩

黃連

大黃

並酒洗

柴胡

各一兩

升麻

五錢 龍膽

草

三錢

右每服一錢水煎午前服

千金補肝散

治目失明

青羊肝

一具去膜薄切以火燒新瓦上炙乾

決明子

一錢半

蓼香

一合熬令

香

右為末每服方寸七日二服久而有驗

局方菊睛丸

治脾腎不足眼花昏暗

枸杞子

肉蓯蓉

酒浸炒

巴戟

去心各一兩

甘菊花

四兩

右為末煉蜜丸梧子大每服十九空心白湯送下

真珠膏 專治眼病久不瘡眊眊不見物

真珠末

細研

甘菊花

為末

香豉

炒黃為末

井泉石

細研各二錢半

右判勻用白蜜一合鯉魚膽一枚同藥慢火熬成膏

入好龍腦一錢同拌勻每用少許時時點眼中

生熟地黃散

見前

雀盲千金治雀盲方

地膚子

五兩 決明子一升

右為末煮米飲和丸每服二三十九

世傳方 治雀盲

蒼朮

米泔浸去皮
切片焙四兩

右為末豬肝二兩批開摻藥在內用麻絲紮定以粟米一合水一椀砂鍋內煮熟熏眼候溫臨卧每服三錢大效

聖惠方

治雀盲不計時月用蒼朮一兩為末每服一

錢

復明散 治小兒每至日暮即不見物乃雀目也

蒼朮

米泔浸刮去皮
剉片焙乾二兩

穀精草

一兩

地膚子

決明子

黃芩

各半
兩

右件搗羅為細末每服一錢水八分入荊芥少許煎
五分去滓溫服食後

眼白多初虞世曰眼白多屬虛山茱萸丸主之

山茱萸

二兩

熟地黃

牡丹皮

牛膝

茯苓

澤

瀉各一鹿茸半兩

右為末煉蜜丸如梧子大食後鹽湯下二十丸

薛一小兒白睛多吐痰發搐先用抑青丸四服而痰搐

止後用地黃丸年許而黑睛多一小兒白睛多三歲

不能行語聲不暢兩足非熱則冷大便不實朝用補中

益氣湯加五味子乾山藥以補脾肺夕用連黃丸加五

味子牛膝鹿茸補肝腎不三月而瘥一小兒眼白腿

軟兩足熱面似愁容服地黃丸兩月餘漸健服年餘白

睛漸黑出痘無恙

通睛湯氏牛黃丸

治小兒通睛皆因失悞築打觸着

頭面額角兼倒撲令兒肝受驚風遂使兩目鬪睛名

曰通睛宜服此

牛黃 白附子

炮

肉桂

全蝎

芎藭

石膏

煨各

一錢 白芷 硃砂

各二錢

研

藿香

半兩

麝香

一分

右為末煉蜜丸如芡實大三歲已下每服一九薄荷

湯下乳食後忌油麪豬肉

眼劄薛一小兒雀盲眼劄服煮肝丸而目明服四服四
味丸而目不劄 一小兒發搐目劄屬肝膽經風熱先
用柴胡清肝散治其肝後用地黃丸補其腎而愈 一
小兒因驚眼劄或搐先用加味小柴胡湯加蕪荑黃連
以清肝熱又用六味地黃丸以滋腎生肝而痊 一小
兒兩目連劄或色赤或時拭眉此肝經風熱欲作肝疳
也用四味肥兒丸加龍膽草而瘥

目睛瞶動

目直

目動

俱見驚
搐門

胎黃

見初
生門

小便不通

曾嬰兒小便不通者有陰陽二證陰閉者為冷濕乘虛
入裏因而不通名曰陰閉以白芍藥湯加南木香及用
炒鹽以絹帕兜令帶熱熨臍四圍併投五苓散入靈砂
末鹽湯空心調服其效尤速陽閉者因暴熱所逼澀而

不通名曰陽閉又有癰閉與淋不同內經宣明五氣篇
曰膀胱不利為癰蓋癰者乃內臟氣虛受熱壅滯宣化
不行非澁非痛但閉不通腹脹緊滿但以呔咀五苓散
加車前子燈心之類及投木通散玉露飲益元散皆可
用之或貼薑豉餅於臍上取效不拘陰陽二證悉能療
之併與萬安飲尤妙 薛東垣云小便不利有在氣在
血之異夫小便者足太陽膀胱之所主長生於申申者
金也金能生水肺中伏熱水不能生是絕小便之源也

治法用清燥金之正化氣薄之藥茯苓豬苓澤瀉琥珀
燈心通草車前瞿麥篇蓄之類皆為淡滲能瀉肺中之
熱而滋水之化源也若不渴熱在下焦是熱澁其流而
溺不泄也須用氣味俱厚陰中之陰藥治之二者之病
一居上焦在氣分而必渴一居下焦在血分而不渴血
中有濕故不渴也二者之殊至易分別耳竊謂前證若
津液偏滲於腸胃大便瀉利而小便澁少者宜分利若
熱蘊於下焦津液燥而小便不行者宜滲泄若脾胃氣

澁不能通調水道者宜順氣若乳母肝心二經有熱者
用梔子清肝散肝經怒火者用柴胡梔子散若因父母
曾服燥劑而致者用四物麥門甘草數而黃者用四物
加山茱萸黃檗知母五味麥門肺虛而短少者用補中
益氣加山藥麥門陰挺痿痺而頻數者用地黃丸熱結
膀胱而不利者用五淋散脾肺燥不能化生者用黃芩
清肺飲膀胱陰虛陽無以生而淋瀝者用滋腎丸若膀
胱陽虛陰無以化而淋瀝者用六味丸若因乳母厚味

酒麪積熱者用清胃散五淋散仍參諸淋覽之 一小
兒十四歲肢體倦怠發熱晡熱口乾作渴吐痰如湧小
便淋瀝或面目赤色燥不欲衣此稟賦腎虛陰燥也用
補中益氣湯加減八味丸而愈 一兒五歲小便不利
用五苓散分利澹泄之藥益加不通小便陰囊漸腫先
兄謂前藥復損真陰也用六味丸料加牛膝肉桂車前
子佐以補中益氣湯而痊 一兒八歲先小便澁滯服
五苓散益甚加水通車前之類腹脹吐痰加枳殼海金

砂而胸滿陰腫偏身發浮余用六味丸煎送滋腎丸而
痊此皆稟父氣所致其作濕熱痰氣治之而歿者多矣
一小兒八歲先因小便黃赤服五苓導赤等散後患
便血余以為稟賦虛熱也用六味丸及補中益氣湯而
痊

錢捻頭散 治小便不通

玄胡索 川苦楝

各等分

右同為細末每服半錢或一錢捻頭湯調下量大小

多少與之食前服

捻頭湯即沸湯中滴油數點是

湯木通散

治心經伏熱小便不通啼叫

木通

一兩

牽牛子

炒半兩

滑石

一兩

右為末燈心葱白水煎服

冬葵子散

治小兒腹急悶

冬葵子

一兩半

右為末每服一錢水煎

張葵石散

治小便不通悶亂者

葵根

一握
剉

滑石

木通

各一
兩

牽牛子

半兩
炒

右件搗為粗末每服一錢以水一大盞入燈心蔥白各少許煎六分去滓放溫服乳食前

車前散

治熱盛積於小腸甚則尿血

牡蠣

煅為粉
半兩

車前子

甘草

炙微
赤

川朴硝

各一
分

右件藥搗羅為散每服一錢以水一小盞煎至五分去滓溫服不拘時量兒大小加減

芎黃散

治臟腑有熱小便澀兼大便不通

芎藭

一兩

大黃

剉微炒

郁李仁

湯浸去皮微炒各七錢半

右件搗羅為散每服一錢以溫水調下量兒大小加

減

硃砂丹

治證同前

硃砂

細研水飛

續隨子

各半兩

賦粉

錢一

右件藥都研令勻煉蜜和如黍米大每服七粒以溫水下量兒大小加減乳食後

硃砂散 治心神煩燥小便赤澀不通

硃砂

一兩另研細

滑石

犀角屑

各半兩

黃芩

甘草

炙微

赤車前子

各七錢半

右件藥搗羅為散入硃砂同拌勻每服半錢煎竹葉

湯調下食前

魯白芍藥散

見

五苓散

見

玉露飲

益元散

萬

安飲

俱見積熱

木通散

見

清肺散

治渴而小便閉或黃或澁

五苓散加琥珀

半錢

燈心

通草

車前子

炒各二錢半

瞿麥

半錢

木通

篇蓄

各一兩
七錢半

右為粗末每服三錢水煎食前服

薛八正散

治蘊熱咽乾口燥大渴引飲心忪面熱煩

躁不寧目赤睛痛或咽舌生瘡小便赤閉或熱淋血

淋

車前子

瞿麥

炒

大黃

麩裏
煨

山梔

滑石

篇蓄

木通

甘草

炙各
一兩

右為末每服二三錢入燈心水煎食前服

梔子仁散 治小便不通 臍腹脹悶 心神煩熱

梔子仁五枚 茅根 冬葵子各半兩 甘草炙二錢

右為末 每服一錢 水煎空心服

滋腎丸 梔子清肝散 柴胡梔子散即柴胡清肝散三方並見

熱發

淋

曾巢氏病源曰 諸淋皆腎虛所致 腎與膀胱為表裏 至水下入小腸 通於胞行於陰 而為溲 腎氣通於陰下流

之道也淋有五名曰膏曰冷曰熱曰血曰石各具於後
膏淋見小便有肥脂似膏而浮於小便之上此腎虛
不能制其肥液而下行也 冷淋先戰慄而後小便此
亦腎虛而下焦受冷冷氣入胞與正氣交爭故小便澀
而戰慄 熱淋下焦有熱熱氣傳於腎流入於胞其溺
黃多而澀間有鮮血而同來者 血淋熱之極也心者血
之主外行經絡內行臟腑熱盛則失其常道心與小腸
為表裏故下流而入於胞則為血淋 石淋腎主水水

結則化為石腎為熱所乘遇小便則莖中痛不得流利
痛引小腹則沙石從小便出甚至塞痛令人昏悶徧身
有汗而後醒此痛之使然蓋五淋者雖曰腎虛所致然
小腸為受盛之府氣通於膀胱膀胱為津液之府氣通
於腎餘化下流而不通皆曰腎氣不足熱入膀胱水道
澁而不利出入起數臍腹急痛蘊作有時或加豆汁膏
血並以局方五淋散下龍腦雞蘇丸自然平愈及香芎
丸補腎地黃丸與之疏導補益為上 薛夫小兒諸淋

者腎與膀胱熱也二經相為表裏俱生水道水入小腸
下行於胞則為溺若膀胱熱則津液內涸水道不通腎
氣熱則小便淋瀝或少腹引臍而痛夫淋有五石淋者
腎熱化石內塞水道痛引膀胱氣淋者肺氣壅熱小腹
脹滿小便澀滯熱淋者三焦有熱傳入腎膀胱流入於
胞小便赤澀血淋者心熱血散失其常經溢滲入胞寒
淋者膀胱氣冷與正氣交爭寒戰氣解是也亦有因妊
母肝熱及乳母恚怒者當分五臟蓄熱治之若心臟有

熱者導赤散加黃連肝臟有熱者柴胡梔子散大便不通瀉青丸脾臟有熱者瀉黃散脾氣不足者異功散脾氣下陷補中益氣湯肺臟熱者瀉白散肺氣虛熱異功散加炒黑山梔腎臟有熱者地黃丸或因乳母肝經熱者用梔子清肝散恚怒者用柴胡清肝散乳母厚味者用加味清胃散心小腸熱者用清心蓮子飲或兒早近色慾小便澀滯或作痛及更去後大小便牽痛者皆屬肝腎不足也用六味地黃丸補中益氣湯加牛膝車前

肉桂未應當參五臟所勝不可輕用滲泄寒涼之藥大損胃氣仍參前小便不通證覽之 一小兒小便不通服五苓之類不應頰間及左腮色赤乃肝腎虛熱也用四物山梔及地黃丸而愈後因感冒誤汗小便仍不利余用補中益氣湯加麥門五味而安 一小兒小便不利莖中澀痛時或尿血此稟父腎熱為患也先用五淋散以疏導又用滋腎丸地黃丸補肝腎漸愈後出痘色紫小便短赤頰間右腮或赤或白用補中益氣湯六味

地黃丸前證並愈 丹鄭廉使之子年十六初生七箇
月患淋病五七日必一發其發則大痛水道狀如黍如
粟者約一杯許然後定診其脈輕則澁重則弦視其形
瘦而長其色青而蒼意其父必因多服下部藥遺毒在
胎留於子之命門而然遂以紫霞和黃蘗末丸桐子大
晒極乾熱湯下百丸以食物壓之又半日痛大作腰連
腹水道乃行下如黍如粟者一大碗許其病減十分之
八後又與陳皮一兩桔梗木通各半兩作一貼與之又

下如黍粟者一合許而安父得燥熱且能病子况母得之者乎予書此以證東垣紅瘤之事此亦熱在血分也

五淋散

赤茯苓

去皮

赤芍藥

炒

山梔子

去皮

甘草

生

當歸

去蘆

黃

芩炒車前子

淡竹葉

燈心

木通

去皮節

滑石

水飛葵子

葶藶

炒

右咬咀用葱白一莖水煎入車前草杵搗取汁用五苓散調化食前服或硝石末調化服 白淋白茅根

燈心煎湯服 有氣淋小腹脹滿尿後有餘瀝水通
煎湯服 熱淋小便赤而淋瀝臍下痛新水煎服或
黃芩煎湯服 石淋莖內痛尿澁有砂石令人悶絕
滑石膈紙炒焦為細末葵子煎湯服

局方五淋散 治膀胱有熱水道不通淋瀝不出或尿
如豆汁或成砂石或如膏或熱沸便血

赤茯苓

六錢 當歸

甘草

各五錢

赤芍藥

山梔子

各二錢

錢

右㕮咀每服三錢水一小盞入燈心煎服

導赤散 治小兒血淋

生地黃 木通

各二錢

黃芩

甘草

生用各一錢

右為末每服一錢井水入燈心煎服仍以米飲調油
髮灰空心灌下

葵子散 治小兒諸淋

葵子 車前子 木通 桑白皮 炒 瞿麥 赤茯苓

苓 山梔子 炙甘草 各等分

右水一盞煎服

香芎丸

治諸淋證若患風閉尤效

淨香附

鹽水炒

川芎

赤茯苓

去皮各半兩

海金沙

滑

石

各一兩

枳殼

炮去瓢麩炒黃

澤瀉

石葦

去老梗取葉

檳榔

不過

火各二錢半

右剉晒為末糯米粉煮為清糊丸麻仁大每服三十

三丸至五十五丸或七十七丸並用麥門冬熟水空

心送下若小便澁痛滴三五點者取流水用火微溫

入鹽少許調勻空心嚥下

木通散

見驚

清心蓮子飲 治小兒上盛下虛心火炎上口苦咽乾
煩渴微熱小便赤澁或欲成淋並宜服之

黃芩 車前子 甘草 炙 麥門冬 去心 地骨皮 各半兩

黃芪 蜜炙 白茯苓 石蓮肉 去心 人參 各七錢半

右剉碎每服五錢水一盞煎至六分去滓食前服如
發熱加柴胡薄荷

金沙散 治小便淋瀝不通

鬱金 海金沙 滑石 甘草

各等分

右為末每服一錢煎地膚子湯調下燈心木通亦可
又方冬瓜最治實熱小便不通內熱口渴

立效散 治小兒諸淋不通莖中作痛

木通 甘草 王不留行 胡荽 滑石 海金

沙 山梔子 檳榔

各等分

右每服一錢水煎

治血淋神效方

紫草 連翹 車前子 各等分

水煎服

又方

海螵蛸 生地黃 白茯苓

右等分為末 栢葉車前草煎湯調下

治氣淋

赤芍藥

兩 檳榔 一枚 麩裹煨

右為末燈心同棗子煎湯調下

張石礬丹 治小便淋澀痛悶

石礬

燒赤醋淬
放冷細研

瞿麥

滑石

各一兩

木通

剉海蛤
細研

各半

兩

右件搗羅為細末煉蜜和如黍米大每服十粒以葱白湯下食前量兒大小加減

石葦散 治諸淋澀水道中痛臍下妨悶

石葦

去毛
一兩

冬葵子

木通

剉

赤茯苓

各半
兩

車前子

瞿麥

榆白皮

滑石

甘草

各二錢半

右件藥搗羅為散每服一錢以水一小盞入蔥白五寸煎至六分去滓溫服如人行十里再服量兒大小加減

葵子散 治腎熱水結化為石淋甚者水道中澀痛不可忍

冬葵子

一石楠兩

榆白皮

剉石葦

去毛木通

剉各半兩

右件藥搗羅為散每服半錢以蔥白湯調下日二服

量兒大小加減

滑石散

滑石

括蔞根

石葦

去毛各等分

右件藥搗羅為散每服半錢煎大麥飲清調下日二服量兒大小加減

蒲黃散

治膀胱熱甚血淋水道澁痛

蒲黃 冬葵子

生地黃

各半兩

右件藥搗羅為細末每服一錢以水一大盞煎至六

分去滓溫服量兒大小加減

遺尿

原病式云遺尿不禁者為冷內經云不約為遺溺仁齋
曰小便者津液之餘也腎主水膀胱為津液之腑腎與
膀胱俱虛而冷氣乘之故不能拘制其水出而不禁謂
之遺尿睡裏自出者謂之尿床此皆腎與膀胱俱虛而
挾冷所致也以雞腸散主之亦有熱客於腎部干於足
厥陰之經挺孔鬱結極甚而氣血不能宣通則痿痺而

神無所用故液滲入膀胱而旋溺遺失不能收禁也

薛氏用六味地黄丸脾肺氣虛者用補中益氣湯加補
骨脂山茱萸曾氏謂乃心腎傳送失度小腸膀胱關
鍵不能約束有睡夢而遺者皆是下元虛冷所致亦因
稟受陽氣不足用三因方家韭子丸治之及參苓白朮
散補腎地黃丸然又當實土以存水乃免滲泄之患所
謂補腎不如補脾是也平胃散倍加益智仁剉碎薑棗
燒鹽煎空心溫服

雞腸散

雞腸

一具男用雌雞用雄雞燒存性

牡蠣

茯苓

去皮桑螵蛸各炒

五錢桂

去粗皮

龍骨

各二錢半

右為極細末仍以雞胗一具雞腸一具燒存性研極細末每用前藥末一錢用溫酒調化食前服

張雞腸散

治因膀胱有熱服冷藥過多小便不能禁

止或遺尿病

雞腸草

龍骨

麥門冬

去心焙

白茯苓

桑螵蛸

各半 牡蠣粉 七錢
兩半

右件藥搗為粗散每服一錢水一小盞入生薑少許
棗二枚煎至六分去滓溫服量兒大小加減 按此
與前方益一方而傳寫之訛竊詳用雞腸較是而張
氏婁氏薛氏皆主用草今兩存之

益智丸 治脾腎虛熱心氣不足遺尿白濁

益智仁 茯苓 茯神 各等分

右為末煉蜜丸桐子大每服五六十丸空心白滾湯

下

破故紙散

治膀胱虛冷夜間遺尿或小便不禁用

破故紙為末每服一錢熱湯調下

又方 破故紙炒為末黃蘗湯調下

外臺療小兒睡

中遺尿不自覺桂末雄雞肝等分搗丸如小豆大溫
水下日三服

初虞世治小兒遺尿薏苡仁一合去心不去殼猷碎入
鹽一小撮同炒黃色用水二鍾煎至鍾空心服之累

效

三因家韭子丸

方見雜病
小便不禁

尿白便濁

仁齋曰小兒尿白如米泔狀由乳哺失節有傷於脾致令清白不分而色白也久則成疳此亦心膈伏熱無而得之全嬰方云小便初出微赤良久白濁者乃熱疳之邪也初出黃白久白濁者乃冷疳之候也冷者益黃散主之熱者牛黃丸主之冷熱者蘆薈丸主之純下白濁

者厚朴丸主之諸失津液欲成疳而小便白者茯苓散主之薛氏曰小便如泔或良久變白亦有脾虛食積濕熱下注者先用茯苓散五七服次用四味肥兒丸若乳食少思或肚腹脹大小便頻數此脾虛元氣下陷也朝用五味異功散夕用四味肥兒丸若肥體色黃小便不調髮黃脫落鼻下瘡癩嗜土少食大便青褐者用梔子茯苓湯仍審其乳母飲食七情治之一小兒發熱懶食小便良久變白余用四味肥兒丸即愈或誤以為

積熱用清涼祛逐之劑形體頓弱虛證悉至小便如泔
用補中益氣湯及四味肥兒丸而愈 一小兒面色痿
黃眼胞微腫作渴腹脹飲食少思小便澄白大便不實
此脾疳之證也用四君子加山梔蕪荑兼用四味肥兒
丸而愈 一小兒白濁兩耳內耳外主生瘡膿水淋漓
用大蘆薈丸而愈後偏身如疥肌體消瘦發熱作渴大
便酸臭小便白濁用九味蘆薈丸五味異功散而愈
一小兒白濁發熱口乾體瘦骨立余謂腎經虛羸朝用

補中益氣湯夕用六味地黃丸而愈後兩目或生白翳
面黃浮腫小便仍白此變肝脾疳證用四味肥兒丸月
餘漸瘥

益黃散

方見脾臟

牛黃丸

方見疳積

蘆薈丸

方見疳

君朴丸

治小兒小便白濁久則黃瘦不長肌肉

史君子

煨去殼

厚朴

製黃連

各一兩

木香

三錢

右為末蒸餅糊丸桐子大每服一二十九粒米湯下

茯苓散

治乳食傷脾或心經伏熱小便白濁

三稜 煨 蓬莪 茂 煨 砂仁 赤茯苓 各半 青皮 陳

皮 滑石

甘草

各一錢半

右為末每服一錢燈心湯調下

三稜散 治小兒尿白久則成疳宜補脾消食化積

三稜

蓬莪 茂

炒各一兩

益智仁

甘草

神麴

炒麥

芽

橘皮

各半兩

右為末每服一錢白湯點下

清心蓮子飲

見前

又方

用大甘草頭煎湯服

梔子茯苓湯即大蕪荑湯

方見疳

香砂丸 治嬰孩小便白濁

香附子

炒一兩

縮砂

去殼五錢

三稜

煨

蓬莪茂

煨

陳皮

麥蘖

炒

蘆薈

各五錢半

右為極細末煮麪糊丸如黍米大用米飲鹽湯食前

服

疳

曾按內經大奇論曰腎脈大急沈肝脈大急沈皆為疳

證心脈搏滑急為心疝肺脈沈搏為肺疝蓋疝者寒氣結聚之所為故令臍腹絞痛者是也又巢元方曰諸疝者陰氣積於內復為寒氣所傷榮衛不調二氣虛弱風冷入腹而成故脈經云急者緊也緊則為寒為實為痛血為寒泣音澁則為瘕氣為寒聚則為疝皆因本臟氣虛外感於寒濕內傷於生冷遂使臍腹絞刺激搏而痛無有定處倉卒之際不堪忍者謂之疝也並宜先用五苓散沸湯調服和解輕則但以白芍藥湯烏梅散釣藤膏

為治重者金茱丸散氣丸未有不愈也 仁齋癰疔者

陰核氣結腫大而釣痛也多因小兒啼怒不止動陰氣
故陰氣下繫結聚不散而得之或胎婦啼泣過傷令兒
生下小腸氣閉亦變此證惟是陰氣不得流行加以風
冷入焉白水聚焉故水氣上乘於肺先喘急而後疔痛
其狀有如李者亦有稀軟者亦有並腎腫大者亦有大
硬者臍下痛楚皆不能忍用藥行心氣逐腎邪利其大
小二便並無補法 薛小兒陰腫疔氣者多屬肝腎氣

虛及坐卧寒濕之地或風邪所傷血氣相搏或啼叫氣逆水道不行或稟父肝經虛熱或妊娠肝氣鬱結或乳母怒動肝火而致者若兒肝經熱用梔子清肝散兒啼躁怒用勻氣散乳母恚怒用柴胡清肝散肝火氣逆用加味逍遙散小腹作痛小便澁滯用龍膽瀉肝湯久坐冷地小便不利用四苓散加柴胡山梔車前子不時寒熱者加味小柴胡湯經云肝氣熱則莖痿宗筋弛縱腎莖腫脹或出白液痒痛或裏急筋縮挺縱不收或精隨

便下者此名筋疝俱屬肝火不係於腎宜詳治之

茱萸內消丸 治小兒陰癰偏大上攻臍腹痛腹囊

腫脹或生瘡瘍時出黃水

川楝子

炒一兩半

大腹皮

五味子

海藻

洗 玄胡索

各一兩二錢半

桔梗

青皮

山茱萸

去核各一兩

木香

七錢半

藁香

炒

桂心

川烏頭

炮去皮臍

吳茱萸

桃仁

麝炒另研

食茱萸

各五錢

右為細末酒糊為丸如麻子大每服三十九空心溫

酒送下

當歸散 治小兒癰疔

牽牛

微炒取仁

辣桂

各半兩

當歸

大黃

各二錢半

全蝎

一錢半

桃仁

湯炮去皮尖二錢半

右剉碎每服三錢水一鍾入蜜半匙煎至五分食前服以利為度

川棟丸 治小兒癰疔小腹痛引腰脊攣曲身不能直

木香

檳榔

三稜

蓬莪朮

炮

青皮

去白

陳皮

去白

川棟肉

芫花

米泔浸炒
各半兩

辣桂

牽牛

生取仁
各三錢

巴

豆

不去油
一錢

右為細末飛麵糊為丸如麻子大每服三九空心用

生薑湯送下

五苓散

方見
驚搐

魯白芍藥湯

治冷疝腹痛及誤汗誤下即壞證傷寒

是也並宜先服次投對證之劑

白芍藥

一兩
半

澤瀉

去粗皮
七錢半

甘草

二錢
炙

薄桂

去粗皮
一錢半

右件呔咀每服二錢水一盞煎七分空心溫服誤汗誤下加人參南木香各二錢臍下痛入生薑及鹽同煎或加釣藤亦好

烏梅散 治腹痛及初生嬰孩臍下冷痛疝氣等疾

烏梅

去核

粉草

半生半炙
各五錢

乳香

沒藥

釣藤

各二錢半

右件呔咀每服二錢水一盞煎七分空心溫服

金鈴散

治疝氣腹痛投諸藥後瘡而復作宜服

金鈴子肉

六錢 三稜 炮

剉 莪茂

醋煮

青皮

去白 陳皮

去白

半錢

赤茯苓

去皮 懷香 各半

兩

南木香

二錢 甘草

炙四錢

檳榔

枳殼

去瓢 麩炒黃

釣藤

和鈎各三錢

右除檳榔木香不過火餘剉焙仍同檳榔木香為末
每服半錢至一錢仍用炒懷香煎無灰酒空心調服
不飲酒者煎炒懷香湯調下

釣藤膏

方見夜帝

金茱丸

治冷疝氣痛及膚囊浮腫

金鈴子肉

一家園菜萸

兩半

右研末酒煮麴糊丸麻仁大每服三十丸至五十丸
空心溫鹽湯下溫酒亦可兒小者丸粟粒大丸數下

法同前

散氣丸 理諸疝氣小便利或不通臍下作痛不可忍
者

海藻

去皮洗七錢焙乾

澤瀉

去粗皮

懷香

炒

車前子

焙

蘿蔔

子

瓦上慢火乾焙

川楝肉

用蟹螯九枚去翅足炒少時去蟹螯

大腹皮

淨洗焙乾

各一
兩

右剉焙為末酒煮麪糊丸菴豆大每服三十九至五十
丸南木香煎酒空心下或防風牡丹皮煎酒下不能
飲者於木香湯防風丹皮湯中各少入酒並空心投
亦可再用鹽炒蘄香煎湯尤妙

湯治小腸疝氣家傳妙方

芫花

醋浸炒

木香

檳榔

三稜

各半兩

茯苓

青皮

全蝎

桂枝

附子

硃砂

各二錢半

右為末將硃砂浸澄去土頓在湯瓶上候成膏子和
糖醋打麪糊為丸如豆大每服三十丸空心溫酒下
未效再服

勻氣散 主調補通利後及冷疝腹痛氣滯不和

桔梗

二兩
剉炒

陳皮

去白
一兩

縮砂仁

懷香

各半
兩

白薑

二錢

半 炮粉草 四錢
炙

右剉焙為末每服半錢或一錢空心沸湯調服冷疝
腹痛疼燒鹽湯調下

木香散 治小兒小腸氣痛

川楝肉

十箇用巴豆七粒同炒令黃色去巴豆不用入蘘香半兩

玄胡索

七兩

木香

二錢

史君子

去殼五枚

右為極細末用米飲食前調服

梔子清肝散

柴胡清肝散

二方並見發熱

龍膽瀉肝湯

治肝經濕熱不利下部生瘡兩拘腫痛

或腹中作痛小便澀滯等證

龍膽草

酒拌炒黃

澤瀉

車前子

炒

木通

生地黃

酒拌

當歸

酒拌

山梔

黃芩

炒

甘草

各三分

右水煎食前服

四苓散即五苓去桂

小柴胡湯

方見發熱

陰腫

全嬰方云小兒陰腫核腫者由兒啼怒氣逆不順乘虛而行陰核偏大又因甘肥不節生冷過度致生疳氣氣結不行流入陰中或傷暑毒或觸風邪使血氣與邪氣相搏停結不散則成陰腫也 仁齋云若腎經氣虛或

坐石不起冷氣凝之或近地經久風邪濕氣傷之不為
陰腫幾希矣間有啼叫怒氣閉繫於下結聚不散加以
水竇不行亦能發為此疾治用桃仁丸主之丹溪謂脫
囊腫大墜下不收用紫蘇莖葉為末水調荷葉包之一
人傳此方用野白紫蘇為末濕則摻之乾則香油調傳
雖皮潰子墜皆有神效此用紫蘇蓋亦同功也 曾巢
元方論曰諸筋會於陰器邪客於厥陰少陰之經與冷
氣相搏則陰囊腫痛而引縮經中雖分四證曰腸癰氣

癰水癰卵癰然小兒患此若治之不早則成痼疾如腰
曲腹痛冷汗自出而陰囊二子弔縮入腹痛止方出名
為內釣用烏梅散勻氣散金葉丸金鈴散為治有陰莖
全縮不見有陰囊光腫不痛此因肝腎氣虛宜以橘子
仁煎湯調下金鈴散勻氣散皆可投之內經曰癰癰疝
膚脹者陰亦盛而脈脹不通故曰癰癰疝由是觀之乃
陰氣盛而致有此弔縮者筋急也筋遇寒則引縮遇熱
則弛張故三因所用方法以寬小腸氣疏風為治然小

兒此證多因坐陰潤之地感風濕而得用當歸散加檳榔蒼朮水薑煎服並青木香湯釣藤膏外以立消散傳之有外腎無故而膚囊腫大不燥不痛光亮如吹此名氣虛所致以勻氣散調治三因方家韭子丸主之

一證外腎膚囊赤腫通明及女兒陰戶腫脹乃心熱之所傳皆以木通散導赤散為治或用薏苡仁煎湯調五苓散及以外消散傳之並投天花散用無灰酒煎下不能飲者水煎少入酒同服亦可張渙曰小兒足少陰之

經虛而受風邪者衝於下經則成陰腫病桃仁丹主之

桃仁丹

桃仁

七錢半湯浸去皮尖雙仁者麩炒微黃

牡丹皮

白蒺藜

微炒去刺

桂心

各半兩

郁李仁

二錢半湯浸去皮微炒

右件藥搗羅為細末煉蜜和黍米大每服十粒煎溫酒下乳食前量兒大小加減亦可水煎服

胡連散

治陰腫生瘡

胡黃連

去鬚胡粉各半兩

白礬

枯二錢半

右搗羅為細末每用少許以生油調塗患處

湯小兒陰腫由啼叫怒氣閉縱於下成此疾宜用

海蛤散

海蛤

三錢 蘘香 炒七錢半

薏苡仁

白朮

檳榔

各半兩

右為末食前溫酒調下大小加減

桃仁丸

桃仁

去皮尖麩 炒三錢

桂枝

去皮 牽牛 炒頭末

蒺藜

牡丹皮

各二錢

右為細末煉蜜丸如黍米大用青皮木香葱白入鹽少許同煎湯食前服

三白散 治小兒解初中腫疾四肢膚囊浮脹大小便不利皆因膀胱蘊熱風濕相乘

桑根白皮

炒

白朮

木通

去皮節

陳皮

去白

牽牛

半生

半甘草

炙各五錢

右㕮咀用水煎食前服

丹脫囊即外腎腫大

木通 甘草 當歸 黃連 黃芩

右水煎服

錢蚯蚓散 治腎子腫硬成疔用乾蚯蚓為末唾調傳

常避風冷濕地

先用花椒蔥湯避風處洗却用此傳之累驗

世治小兒囊腫如升用甘草煎汁調地龍末塗之立退

累效

傳藥方

牡蠣粉 二乾地龍

碾末一分

右用津唾調敷外腎熱者雞子清調敷

牡蠣散 治小兒外腎腫大莖物通明 用牡蠣粉研

十分細先以唾津塗腫處次以牡蠣粉摻

又方 治小兒卵腫研桃仁唾調敷

曾烏梅散 勻氣散 金茱丸 金鈴散 當歸

方並見疝

散

見痢

牡蠣大黃湯 治三五歲小兒感受溫濕之氣侵襲膀

胱致陰莖膚囊浮腫作痛

牡蠣

用熟黃泥包裹炭火煅透出地上候冷用

大黃

紙裹水浸透煨過候冷用二味各一

兩

右剉研為末每服一錢無灰溫酒空心調服不能飲者溫湯調少入酒同服

青木香湯 治小兒陰莖無故而腫或痛縮因陽明經有風熱濕氣相搏法當寬此一經自愈蓋陽明受病不能養其宗筋故也咳嗽痰喘亦宜服之

青木香

去蘆

枳殼

浸去穢麤炒各半兩

甘草

二錢半

右每服二錢水一盞煎七分不拘時溫服

立消散 治膀胱久受熱毒致陰器膚囊赤腫脹痛

赤小豆 赤芍藥 生枳殼 商陸 風化朴硝

另研後入
各半兩

右件不過火剉晒為末栢枝煎湯候冷調二錢或三錢塗腫處仍服咬咀五苓散加車前子薏苡仁水煎

錢通散

見驚

天花散 治外腎膚囊腫痛

天花粉

二兩甘草三錢

右剉每服二錢無灰酒一盞煎七分空心溫服不能飲用水煎少入酒同服

偏墜

田小兒狐疝氣偏有大小時時上下者蜘蛛十四枚熬焦桂枝半兩二物為散每服八分日再酒調下蜜丸亦通

黑散

黃連 黃芩 大黃 黃檗

各二錢

右同燒存性為極細末雄豬膽汁蜜同調傳

偏墜亦宜防葵丸令兒坐於土中午時灸印下偏墜之

處處七壯

防葵丸未詳

小兒偏墜若非胎中所有在後生者於莖下腎囊前中間弦子上灸七壯立愈

明胎產疝卵偏墜 囊縫後十字紋上灸三壯

春灸夏瘡

陰瘡

臘茶散 治小兒陰囊生瘡疼痛水出久不瘥

臘茶

五倍子

各五錢

膩粉

少許

右為末先用蔥椒湯洗後用香油調敷

一方 治陰囊生瘡疼痛

右先用川椒荊芥槐枝柳枝蛇床子煎湯洗後用朴硝為末雞子清調敷

一方 治陰生瘡膿水不乾

右用烏鰂魚骨為細末乾摻患處

一方 用紫蘇葉煎湯淋洗及作細末摻之妙

一方 治小兒陰生瘡不乾

右用輕粉蜜陀僧為末貼之如痒加山梔子訶子燒存性研同前藥為末先將米泔水洗淨然後敷貼此藥

不寐

薛經曰陽明胃脈也胃者六腑之海其氣亦下行陽明逆不得從其道故不得卧也又曰胃不和則卧不安夫

人身之衛氣晝則行於陽夜則行於陰陽主動陰主靜
寤則魂魄志意散於腑臟發於耳目動於肢體而為人
身指使之用寐則神氣各歸五官而為默運之妙矣若
脾胃氣盛則腑臟調和水穀之精各各融化以為平和
之氣若胃氣一逆則氣血不得其宜腑臟不得其所不
寐之證由此生焉當用四君遠志酸棗仁肝腎虛熱者
六味丸心血不足者真珠母丸思慮過度者歸脾湯精
神短乏者人參養榮湯病後餘熱者酸棗仁湯膽虛不

得眠者人參竹葉湯肝火不寧者加味小柴胡湯震悸
不得眠者四君生薑酸棗仁夜啼驚哭不寐各詳別證
當參求之

仲景酸棗湯 治虛勞虛煩不得眠

酸棗仁

炒一錢

甘草

知母

炒

茯苓

芍藥

生薑

各五分

右水煎服

本事鼈甲丸

治膽虛不得眠四肢無力

鼈甲 酸棗仁炒 羌活 黃芪炒 牛膝酒炒 人參各一

兩 五味子五錢

右為末煉蜜丸梧子大每三四十丸溫酒下

聖惠治骨蒸勞熱煩心不得眠用酸棗仁三錢水煎熟下地黃汁一蛤蜊殼服之

本事真珠母丸 治肝膽二經因虛內受風邪卧則魂散而不守狀若驚悸

真珠別研細七錢半 當歸 熟地黃各一兩半 人參 酸棗仁

炒栢子仁

各一兩

犀角屑

茯神

沈香

龍齒

各研

半兩

右為末煉蜜丸小豆大辰砂為衣每服二十九白湯

下日午夜卧各一服

人參竹葉湯 治虛煩不得眠

人參 竹葉

甘草

各二錢

半夏

小麥

麥門冬

各一錢五分

右每服二三錢薑二片粳米一撮水煎服

人參養榮湯

見盜汗

歸脾湯

見驚悸

咽喉

心鑑咽喉為一身之總要與胃氣相接呼吸之所從出若胸膈之間蘊積熱毒致生風痰壅滯不散發而為咽喉之病喉内生瘡或狀如肉腐為腫為痛窒塞不通吐嚥不下甚則生出重舌治之尤宜先去風痰以通咽喉然後解其熱毒遲則有不救之患又有熱毒衝於上腭而生瘡謂之懸癰及腑寒亦能令人咽閉吞吐不利臨

病詳審治之 咽喉之疾本傷熱毒上攻也四時受熱
臟心腑之間一旦所觸上攻咽喉所謂腎傷寒也然其
證有單肉蛾雙肉蛾有重舌木舌疳腮有懸癰腫脹有
裏外皆腫甚者上攻頭面皆腫大法先洗去口中舌上
白胎其次掃去風涎如是單雙肉蛾可鍼則鍼有不可
鍼者則用熏摻藥退後方依次用服藥如是木舌服藥
之外仍用摻藥疳腮則用塗藥輕者但服藥而自退不
須用鍼及藥點其瘡而自消也 薛小兒喉痺因膏梁

積熱或稟賦有熱或乳母七情之火飲食之毒當分其邪蓄表裏與證之輕重經之所主而治之若左腮色青赤者肝膽經風熱也用柴胡梔子散右腮色赤者肺經有熱也用瀉白散額間色赤者心與小腸經熱也用導赤散若無青色風熱相搏也用加味逍遙散鼻間色黃脾胃經有熱也用瀉黃散若無青色木乘土位也用加味逍遙散無赤色心傳土位也用柴胡梔子散頰間色赤腎經有熱也用地黃丸凡此積熱內蘊二便不通者

當疏利之風邪外客而發寒熱者當發散之外感風邪
大便閉結煩渴痰盛者當內疏外解若因乳母膏粱積
熱者母服東垣清胃散若因乳母恚怒肝火者母服加
味逍遙散稟賦陰虛者兒服地黃丸大槩當用輕和之
劑以治其本切不可用峻利之藥以傷真氣也 一小
兒喉間腫痛驚悸飲水服驚風降火之藥益甚仍欲攻
風痰余曰驚悸飲水心經虛證益胃為五臟之本先用
五味異功散以補胃加桔梗甘草以消毒諸證頓退後

用牛蒡子湯加柴胡而愈 一小兒發熱引冷大便黃色手足並熱不能吮乳視口內無患捫其喉間則哭此喉內作痛乃脾胃實熱也用瀉黃清胃二散各一劑母子並服而愈後因乳母飲酒兒躁不安口內流涎仍用前二散而愈 一小兒喉間腫痛發熱咳嗽大便秘結此肝與大腸有熱也先用牛蒡子湯加硝黃一服大便遂通乃去硝黃再劑頓愈審其母有肝火發熱用柴胡清肝湯母子並服而痊

甘桔湯

治嬰孩感冒風熱火氣熏逼痘瘡蘊毒上攻

咽喉腫痛痰氣不順咳嗽失音

人參

去蘆半兩

桔梗

蜜浸炒一兩

甘草

半生半炙三錢

右剉散用水煎不拘時候服

立效散

治嬰孩小兒咽喉痺痛不能吞嚥

鵬砂

龍腦

雄黃

朴硝

各半錢

右為極細末乾摻

吹喉散

治嬰孩咽喉腫痛氣塞不通

甘草

生二錢半

朴硝

一兩

右為極細末乾摻喉中如腫甚者用小竹管吹入喉

內

牛蒡湯

主傷風發熱煩躁鼻塞氣喘痰嗽驚啼及諸

瘡赤紫丹毒咽喉腫痛

牛蒡子

三兩略炒細研

大黃

一兩半

防風

去蘆

薄荷

去老梗各一兩

荆

芥

去根梗四兩

甘草

一兩一錢半

右咬咀每服二錢水一盞煎七分無時溫服

化毒湯 解風熱上攻咽喉腫痛飲食不便

桔梗

剉炒
半兩

薄荷葉

荊芥穗

甘草

各二錢半

山豆根

取淨皮一錢半以
上五味俱焙為末

牙硝

鵬砂

朴硝

雄黃

硃砂

各二錢以上五
味乳鉢細研

右五味焙為末五味研為末同一處再研勻每用一
字至半錢乾點舌上化下或以溫湯濃調少與含嚥
亦可

候急散 治小兒諸般骨硬咽喉腫痛

五倍子

一兩研

先春茶末

半兩

右二味和勻抄一錢溫湯半盞調化無時少與嚥下
依法服餌不過三五次即效如骨出或刺破處血來
多者鵬砂末六錢水煎消毒散飲調服血止痛住腫
消食進

牛蒡子湯

牛蒡子

炒杵

玄參

升麻

桔梗

炒

犀角

鎊

黃芩

木通

甘草

各等分

右每服一二錢水煎

拔萃桔梗湯 治熱腫喉痺

桔梗

炒

甘草

炒

連翹

梔子

棗仁

黃芩

各等分

右為末每服一二錢水煎服

消毒飲

解急驚風毒赤紫丹瘤壯熱狂躁睡卧不安

胸膈滿悶咽喉腫痛九道有血妄行及徧身瘡疥

牛蒡子

六兩

荊芥穗

二兩

甘草一兩

右剉每服二錢水一盞煎七分無時溫服

柴胡飲

熱見積

東垣人參安胃散

見吐瀉

三因玉鑰匙

九味蘆薈丸

見疳

濟生犀角地黃湯

見吐血


五味異

功散

見吐利

柴胡清肝散

見發熱



證治準繩卷七十六